



Universitätsbibliothek Paderborn

**De Monstris Et Monstrosis, Qvam Mirabilis, Bonvs, Et
Ivstvs, In Mvndo Administrando, Sit Devs, Monstrantibvs**

Stengel, Georg

Ingolstadij, 1647

§. 14. Sancti dæmonem in alios sæuientem impetrantes.

[urn:nbn:de:hbz:466:1-51168](https://nbn-resolving.de/urn:nbn:de:hbz:466:1-51168)

Idem lib.
cod. c. II.
§ 12,

in puellam; quam usque ad maturam aetatem miserè cruciauit. Alia duo recenset idem author, unum de uxore, alterum de filio, quibus maritus & pater diabolum imprecatus est cum effectu. Nihil habent ergo isti, quod accusent Mundi gubernatorem. Digni sunt hac poena, in qua Deum ludunt. Ludunt autem, si petunt, quod nolunt impetrare.

§. XIV.

Sancti demonem in alios sauentem impenetrantes.

Quanquam etiam bono zelo Sancti leguntur hunc Spiritum præuaricantibus imprecati, vel pro potestate sua etiam immisisse, in iustam peccati poenam, ac emendationem. S. Eligius Nouiomensis Episcopus, viderat à suis subditis, in natali die S. Petri, impios quosdam ac superstitiones chorearum ritus celebrari. Eos, pro officij lib. 2. c. 20. cio suo, volebat esse abrogatos. Usus argumentis; surdi fuerunt. Usus est imperijs; quasi saxum fuere immobiles. Utq; plerumq; est inemendabilis pertinax consuetudo, cum corrigi deberent, facti sunt longè insolentiores. Ultimum remedium petiit à Deo Eligius, ut in eos animaduerte-

ret.

ret. Petijt, impetrauit. Mox enim amplius triginta (alij quinquaginta numerant) obfessi sunt à spiritibus mundis. Tremuerunt hoc tam diro spectaculo reliqui, & sociorum miserti Sanctum virum rogarerunt, ut eos hoc supplicio liberaret : quibus respondit : *Experiantur prius, cui seruire elegerint.* Perdurauit ea vexatio, per solidum annum. Vertente anno, ac natali S. Petri demum redeunte, intolerabili illa tortura sunt liberati. Ita plebeia petulancia minime plebeo modo, & chorea choreis ipsis punita est. Castigata quoque ad eundem modum militaris licentia legitur, apud Magnum Gregorium. Siquidem Valeriae provinciam Longobardis intrantibus, ex monasterio reuerendissimi viri Equiti in predicto oratorio ad sepulchrum eius monachi fugerunt. Cumq; Longobardi sanguines oratorium intrassent, cœperunt eosdem monachos forastrahere, ut eos aut per tormenta discuterent, aut gladijs necarent ; quorum unus ingemuit, atque acri dolore commotus clamauit : *Heu, heu, Sancte Equiti, placet tibi, quod trahimur, & non nos defendis ? Ad cuius vocem protinus sanguines Longobardos immundus spiritus inuasit. Qui corruentes in terram*

S. Greg.
lib. I. dial. c. 4.

tam diu vexati sunt, quousque hoc cuncti, etiam qui foris erant, Longobardi cognoscerent, quatenus locum sacrum temerare ulterius non auderent. Utinam, hoc tempore, Equitij hæc potestas etiam alijs Diuis concedetur, quorum templa quotidie violantur! Sed ea, prô dolor, est militaris disciplina, ut milites ipsi diabolorum vice fungi videantur. Ceterùm non est nouum, si sanctis aliquando hæc potestas datur, cùm, vt su-

v. Cor. 5.5. præ vidimus, etiam Corinthiū Paulus tradiderit Satanæ *in interitum carnis*, vt *Spiritus saluus fieret*; vt alibi Hymenæum quo-

i. Tim. 1. 20. que & Alexandrum, ob blasphemias. Accusatis enim ijs, qui *circa fidem naufragaverunt*, addit: *ex quibus est Hymenaeus, & Alexander: quos tradidi Satanæ, ut discant non blasphemare*. Quæritur, quid sit trade-

Theodor.
in 1. Ti-
moth. 1.
v. 20. & S.
Ambros.
ibid.

re Satanæ? Respondeatur, eos qui excommunicantur tradi Satanæ, qui extra Ecclesiam regnat, eoque ipso excommunicatos, tempore Apostolorum, solebat in anima, & in corpore affligere. Dum enim orationibus, suffragijs, sacrificijs, sacramentis, societate Christi atque Ecclesiæ, diuinæ protectione, & pastorali cura alijsque bonis priuabantur, ita tyrannidi & incur-
bus

bus dæmoniorum exponebantur, vt in eos
magis quam antè grassarentur, ægritudine
corporis, vulneribus aut plagis, quasi
possessos, hoc est enim *in interitum carnis*
tradere. Quemadmodum postea, cùm S. Paulia. in
vita S.
Ambrosius quendam Satanæ tradidisset, Ambroſij
dæmon eodem momento eum abripiens
discerpere cœpit.

§ XV.

Quàm iustè Diui subinde, immisso malo spiri-
tu, impios puniant?

Quòd si mortales hoc rectè fecerunt,
cur non & Diui cælites, eodem vindice
vicerentur, ad honorem suum defenden-
dum? Enimuerò vñi sunt. Luculentus te-
stis est Gregorius Turonensis, apud Tricas-
finorum Campaniæ urbem templum fuisse, S. Grego-
rius Turoſ
nens cap.
67. de
Gloria
Confess.
in quo S. Lupi ossa condita fuerunt. Ad illud templum Mauri cuiusdam seruus con-
fugit, quem asseditus herus in S. Lupum
verba blasphemæ euomuit, qui exemplo
diuinam vltionem sensit. Quippe lingua,
quæ dira verba effudit, obriguit; & Tar-
tareo entusiasmo agitatus horrendum
mugire, totamq; clamoribus inconditis æ-
dem replere cœpit, tertiaque die, cum gra-
uissimo cruciatu, vitam finiuit. Vt Ma-

Gg 4 tris